



COVID-19 -imut akiuussutissinneqareernermi kingunerluutaasorisanik nalunaarutiginninneq 2021



Nunatsinni Nakorsaaneqarfik / Landslægeembedet



Aallaqqaasiut	2
Inernerit	2
Innuttaasunit kingunerluutitut nalunaarutigisat	3
Akiussutissat assigiingitsut	4
Akiussutissinneqarnerit amerlassusaannut tunngatillugu kingunerluutit kinguneri	5
Ukiumikkut agguataarneqarnerat	5
Peqqinnissaqarfimmiit kingunerluutitut nalunaarutigineqartut	6
Akiussutissat suussusaat	7
Akiussutissiinerit amerlassusaannut tunngatillugu kingunerluutit kinguneri	7
Peqqinnissakkut sullissisut kingunerluutinik nalunaarutiginnittut	8
Ukiumikkut agguataarneqarnerat	8
Isummersorneq	8
Kingunerluutit kapitiffiup nalaaniittut timimullu tamarmut sunniuttut	8
Aaqartarnerup allannguuteqarnera	9
Sapigaqarnermut ersiuteqalerneq	9
Sapigaqarnermut ersiutit navianaatillit	9
Akiussutissap suussusaa	10
Akiussutissinneqartut amerlassusaat	11
Ukiumikkut agguataarneqarnerat	11
Nalunaarutiginninnerik innuttaasuneersunik peqqinnissaqarfimmeersunillu assersuussineq	11
Suaaassutsikkut assigiingissutsit	12
Kingunerluutinik nalunaarutiginninnerit nunap immikkoortuinut agguataarneqarnerat	12
Kukkunernut pissutaasut	12
Inerniliineq	12
Najoqqutarisat	13



Aallaqqaasiut

Nunatsinni innuttaasuni siulliit 2021-imi januaari qaammat COVID-19-imut akiuussutissinneqarput. 2021-imi decembarip ulluisa 31-iat ilanngullugu nunatsinni innuttaasut 73 % -ii (41.103-it) siullermik akiuussutissinneqarput, 69 %-illu (38.949-it) aappassaa akiuussutissinneqarlutik. Kiisalu 22 %-it (12.200-it) pingajussaa akiuussutissinneqarlutik. Siullermik aappassaanillu akiuussutissinneqartut 48%-ii arnaapput. Pingajussaa akiuussutissinneqartuni arnat 49%-iullutik. Akiuussutissamik Pfizer-imeersumik atuineq 17, 6 %-iuvoq (siullermik, aappassaanik pingajussaanillu akiuussutissiinerni), akiuussutissamillu Moderna-meersumik atuineq 82,4 %-iulluni. COVID-19-imut akiuussutissiineq nunatsinni aallartinneqarmalli innuttaasut Sullissivik.gl aqquutigalugu immersuinikkut kingunerluutinik nalunaarutiginninnissamut periarfissinneqarput. Taamatuttaaq peqqinnissakkut sullissisut innuttaasunik kingunerluuteqarsorisanik takunissimasut tamakkunanga qarasaasiakkut nalunaarutiginninnaasimapput.

Inernerit

2021-imi decembarip ulluisa 31-iat ilanngullugu COVID-19-imut akiuussutissinneqarnerup kingorna nunatsinni innuttaasunit kingunerluutaasorisanik 242-nik nunatsinnilu Peqqinnissaqarfimmit 61-inik Nunatsinni Nakorsaaneqarfimmut nalunaaruteqartoqarpoq. Tabelimi tulliuuttumi nalunaarutigineqartut illoqarfinnut/Peqqinnissaqarfiup immikkoortuinut agguataarneqarnerat takuneqarsinnaavoq.

Tabeli 1: Nalunaarutiginninnerit illoqarfinnut/peqqinnissaqarfiullu immikkoortuinut agguataarneqarnerat					
Illoqarfik/ Immikkoortoq	Innuttaasunit nalunaarutigineqartut amerlassusaat (N=242)	Procentin- ngorlugit (N=242)	Peqqinnissakkut sullissisunit nalunaarutit amerlassusaat (N=61)	Procentin- ngorlugit (N=61)	
Ilulissat	8	3,3 %	1	1,6 %	
Kangaatsiaq	2	0,8 %	0	0,0 %	
Manitsoq	3	1,2 %	0	0,0 %	
Nanortalik	1	0,4 %	0	0,0 %	
Narsaq	4	1,7 %	1	1,6 %	
Nuuk	175	72,3 %	41	67,2 %	
Paamiut	2	0,8 %	2	3,3 %	
Qaqortoq	9	3,7 %	1	1,6 %	
Qasigiannuit	2	0,8 %	0	0,0 %	
Qeqertarsuaq	5	2,1 %	4	6,6 %	
Qaanaaq	3	1,2 %	1	1,6 %	
Sisimiut	15	6,2 %	5	8,2 %	
Upernavik	4	1,7 %	0	0,0 %	
Uummannaq	2	0,8 %	2	3,3 %	
Aasiaat	7	2,9 %	2	3,3 %	
Ittoqqortoormiit	0	0,0 %	1	1,6 %	

Kingunerluutaasorisanik nalunaarutigisat amerlanersaat Nuummi innuttaasuneersuunerat imal. Nuummi peqqinnissakkut sullissisuneersuunerat tabelimi takuneqarsinnaavoq.

Inunni arfinilinni kingunerluutaasorisanik, inuttaannit namminernit Peqqinnissarfimmiillu nalunaarutigineqarnikkut, naatsorsukkani marlunni ilaapput.



Innuttaasunit kingunerluutitut nalunaarutigisat

COVID-19-imut akiuussutissinneqarnermut atatillugu kingunerluutaasorisatut innuttaasunit nalunaarutigineqartunit 241-iisunit 179-it (74,3 %) arnaneersuupput, 62-illu (25,7 %) angutineersuullutik. Pfizerimeersumik akiuussutissinneqareernikkut -34-it (14,1 %), 207-illu (85,9 %) Modernameersumik akiuussutissinneqareernikkut kingunerluutaasorisamik nalunaaruteqarput. Kingunerluutaasutut nalunaarutigisat 241-iniit taakkunanga 87-it (36,1 %) siullermik akiuussutissinneqareermermi, 154-illu (63,9 %) aappassaa akiuussutissinneqareermermi nalunaarutigineqarput. Pingajussaa akiuussutissinneqareermermi kingunerluutaasinnaasorisamik nalunaaruteqartoq ataasiinnaavoq.

Tabelimi tulliuuttumi COVID-19-imut akiuussutissinneqarnerup kingorna kingunerluutaasinnaasorisat – innuttaasunit nalunaarutigisat, kingunerluutitut ilisimaneqartunut paasissutissallu pigineqartut tunngavigalugit allassimasunut agguataarneqarnerat takutinneqarpoq.

Tabeli 2: Kingunerluutitut innuttaasuniit nalunaarutit ersiutinut agguataarneqarnerat (N=242)		
Kingunerluutitut nalunaarutigisat suussusaat	Amerlassusaat	Procentinngorlugit
Kapitiffikkut ersiuteqarneq	107	44,2%
Qinersit suangarnerat	8	3,3 %
Niaqorlunneq	70	28,9 %
Kissarneqarneq, kiakkerujussuarterneq/aallilersarneq, qiarlulersarneq	81	33,5 %
Puanniit ersiutit	23	9,5 %
Nuffasarneq	6	2,5 %
Toqusaaniit ersiutit	10	4,1 %
Nukinniit naggussaniillu ersiutit	53	21,9 %
Uissanguneq	18	7,4 %
Nalinginnaasumik napparsimasutut/nualluttutut misigineq	11	4,5 %
Merianguneq/timminneq/meriarneq	32	13,2 %
Qasoqqaneq/nukillaanganeq	29	12,0 %
Arnani aaqartarnerup allannguuteqarnera	25	*14,0 %
Kapitiffiunnigitsukkut amerlerneq	10	4,1 %
Ersiutit allat	48	19,8 %

*Nalunaarutit arnaneersut amerlassusaat (N=179)

Kapitiffikkut ersiuteqarneq kingunerluutitut nalinginnaanerpaasoq takuneqarsinnaavoq.

Innuttaasunit kingunerluutitut nalunaarutigisat kapitiffimmeerlutillu nalinginnaasumik timimut sunniuttumik peqqiilliornerupput. Taakku nalinginnaanersaat tassaapput kissarneqarneq, kiakkerujussuarterneq/aallilersarneq qiarlulersarnerlu, niaqorlunneq, nukinniit naggussaniillu ersiuteqarneq, innuttaasunit 20%-it sinneqartunit nalunaarutigineqartut. Merianguneq, timminneq imal. meriarneq, qasoqqanerlu imal. nukillaanganeq 10%-it sinneqartunit kingunerluutaasinnaasutut nalunaarutigineqarput. Tamatuma saniatigut arnat 14%-iisa aaqartarnerup allannguuteqarnera nalunaarutigimmassuk taanna qulaani takussutissiami ilanngunneqarpoq.

Nalunaarutiginninnerup nalaani kingunerluutit amerlanersaat qaangiutereersimapput, ataasiakkaallu anikitsunik kingunerluutillit kisimik sulii ersiuteqarlutik.

Innuttaasut tallimararterutaasa missaat (19,8 %) akiuussutissinneqarnermut atatillugu kingunerluutaasinnaasutut ilisimaneqartutut immikkoortiterneqarsinnaannginnamik "ersiutinik allanik" nalunaarutiginnippat. Matumani pineqartut tassaapput sapigaqartutut qisuariaateqarneq, mamassutsimik malussarsinnaassutsip akornuteqalerneru, kiinnap, assaap isikkallu inuaasa pullaleraluarnerat ilisimmarlernerallu, siuserineq, qinngakkut aanneq il.il. ataasiakkaanik oqaluttuarineqartut.



Tamatuma saniatigut akiuussutissinneqareernerup kingorna uummatip tillerulunnera tillerillu akulikillinerat nalunaarutigineqarput.

Kingunerluutaasorisat navianaateqarnerusut nalunaarutigineqartut tassaapput saamiup tungaanik timip nukillaarnera qaratsallu ameraasaagut virusimik patsiseqartumik aseruuttoorneq. Kingunerluutaasinnaasorisani navianaatilinnik soorlu qaratsakkut aseruuttoormik, taqqatigut milittoornernik sapigaqarnikkullu inuunermut navianaatilimmik ersiuteqalernermik innuttasunit nalunaaruteqartoqanngilaq.

Kingunerluutit navianaateqartut innuttaasunit nalunaarutigineqartut ikittuinnaagaluit kingunerluutaasorisat pissutaallutik nakorsartittoqarpoq, misissortittoqarluni aamma/imal. napparsimmavimmut unittoqarluni. Nalunaarutigineqartut taakku amerlassusaat tabelimi tulliuuttumi takutinneqarput.

Tabeli 3: Kingunerluutit, nakorsartariallit, misissortariallit aamma/imal. unitsitaanermik kinguneqartut (N=242)		
	Amerlassusaat	Procentinngorlugit
Nakorsartittut	37	15,3 %
Misissortittut	17	7,0 %
Misissortillutillu nakorsartittut	12	5,0 %
Napparsimmavimmi uninngasimasut	5	2,1 %

Inuit 37-it (15,3 %) kingunerluutiminnik imminnut nakorsarsimanertik imal. Peqqinnissaqarfimmut oqarasuaatikkut attaveqarsimanertik nalunaarutigaa. Tamatumani pingaartumik pineqarlutik nipaallisaatit sakkukitsut (NSAID). Ilaalli allanik nakorsaasersimapput nakorsaaserneqarsimallutilluunniit. Matumani pineqarlutik antibiotika imal. sapigaqarnermut, astmamut, aap taqqanut naqitsinerata qaffanneranut, niaqorlorujussuarnermut/migræne amerlernermullu nakorsaatit.

Nakorsartittut ilaat Peqqinnissaqarfimmi misissorneqarsimapputaaq, misissortittulli tamakkerlutik nakorsartissimangillat. Aqqaneq marluk (5,0 %) Peqqinnissaqarfimmi misissorneqarlutillu nakorsarneqarsimapput. Taakkunannga tallimat COVID-19-imut akiuussutissinneqarnerup kingorna kingunerluuteqarsorineqarlutik unitsinneqarsimanerattaq takuneqarsinnaavoq.

Inuk ataaseq unitsinneqarpoq sakissamigut anniarmat nipaallisaaserneqarluni iltilersorneqarlunilu. Alla nakorsaammik tartullu uiguusa aammut aniatitaannik hormonimik (Prednisolon) nakorsartarialimmik sapigaqarnermut ammikkut ersiuteqarluni unitsinneqarpoq. Tamatuma saniatigut ataaseq astmartoq unitsinneqarpoq allalu virusimik patsiseqartumik qaratsap ameraasaagut aseruuttoorluni unitsinneqarpoq. Tamatuma saniatigut inuk ataaseq, saamiup tungaani timip nukillaarneranik kinguneqartumik aanaartoorsimanermik/taqqakkut milittoorsimanermik pasitsaassineq tunngavigalugu unitsinneqarportaaq.

Akiuussutissat assigiinngitsut

Kingunerluutaasinnaasorisatut innuttaasunit nalunaarutigineqartunit 85,9 %-it akiuussutissamit Moderna-meersuupput.

Tabelini tulliuuttuni kingunerluutaasutut nalunaarutigineqartut Peqqinnissaqarfimmi nakorsartinnissamik misissortinnissamilluunniit piumasaqaatitallit nunatsinni akiuussutissiisutaasunut marluusunut agguataarlugit amerlassusaat takutinneqarput.

Tabeli 4: Kingunerluuteqarlutik nakorsartittut akiuussutissat suussusaannut agguataarneqarnerat			
Kingunerluuteqarlutik nakorsartittut amerlassusaat	Akiuussutissap suussusaa		
	Moderna	Pfizer	katillugit
Aap	29	8	37
Naamik	179	26	205
Katillugit	208	34	242



208-init 29-it (13,9 %) Moderna-meersumik akiuussutissinneqarsimasut kingunerluutaasorisanut nakorsartissimapput 34-iniillu arfineq pingasut (23,5 %), Pfizer-imeersumik akiuussutissinneqarsimasut nakorsartissimallutik.

Tabeli 5: Kingunerluuteqarlutik misissortittut akiuussutissat suussusaannut agguataarneqarnerat

Kingunerluuteqarnertik pissutigalugu? misissorneqartut, aaversittut assigisaannillunniit misissortittut amerlassusaat	Akiuussutissap suussusaa		
	Moderna	Pfizer	Katillugit
Aap	11	6	17
Naamik	197	28	225
Katillugit	208	34	242

208-init aqqanillit (5,3 %), Moderna-meersumik akiuussutissinneqarsimasut, misissortissimapput, aaversissimallutik assigisaannillu misissortissimallutik 34-iusuniillu arfinillit (17,6 %), Pfizer-imeersumik akiuussutissinneqarsimasut misissortissimapput, aaversissimallutik assigisaannillu misissortissimallutik.

Akiuussutissinneqarnerit amerlassusaannut tunngatillugu kingunerluutit kinguneri

Tabelimi tulliuuttumi, siullermik, aappassaannik pingajussaannillu akiuussutissinneqarnerup kingunerisaanik kingunerluutaasorisat Peqqinnissaqarfimmut attaveqarnermik nassataqartut ataqatigiinnerat takutinneqarpoq.

Tabeli 6: Kingunerluutit misissuinerit siullermik aappassaannillu akiuussutissinneqarnerit agguataarneqarnerat

Kingunerluuteqarnertik pissutigalugu? misissorneqartut, aaversittut assigisaannillunniit misissortittut amerlassusaat	Akiuussutissinneqarnerit amerlassusaat			
	Siulleq	Aappasaat	Pingajussaata	Katillugit
Aap	7	10	0	17
Naamik	80	144	1	225
Katillugit	87	154	1	242

Siullermik akiuussutissinneqarnermut atatillugu inuit 87-it (36,1 %), aappasaanillu akiuussutissinneqarnermut atatillugu 154-it (63,9 %) kingunerluutit nalunaaruteqarput. Inunnit siullermik akiuussutissinneqartunit 87-init arfineq marluk (8,0 %) aappasaanillu akiuussutissinneqarnermut atatillugu 154-iniit qulit (6,5 %) kingunerluuteqarnerup nassatarisaanik Peqqinnissaqarfimmi misissorneqarsimapput. Inuk ataaseq pingajussaannik akiuussutissinneqareernerup kingorna nalunaartoq, pingajussaa kapitereernermi ullup unnuallu ataatsip qaangiunnerani kapitiffiup nalaani unermigut pullalersimagaluartoq misissorneqaranilu nakorsarneqarsimangilaq.

Ukiuikkut agguataarneqarnerat

Inuit kingunerluutit nalunaaruteqartut ukiuikkut Danmarkimit kisitsisinut assersuunneqarsinnaannorlugit agguataarneqarput. Nunatsinni nalunaaruteqartut ukiuikkut agguataarneqarnerat tabelimi tulliuuttumi takutinneqarpoq.

Tabeli 7: Innuttaasunit kingunerluutit nalunaarutigineqartut ukiuinut agguataarneqarnerat (N=242)

Ukiui	12-15	16-39	40-59	60-69	70-79	80-89	90+
Amerlassusaat	2	114	109	15	1	1	0
Procentinngorlugit	0,8 %	47,1 %	45,0 %	6,2 %	0,4 %	0,4 %	0 %

Kingunerluutaasorisatut nalunaarutigineqartut amerlanersaasa 16-it 59-illu akornanni ukiulinnit nalunaarutigineqarsimanerat kisitsisit takutipaat taakkunangalu ukiukinnerniit ukioqortuneriillu nalunaarutigineqartut ikittuinnaallutik.



Peqqinnissaqarfimmiit kingunerluutitut nalunaarutigineqartut

Inunnit 61-init COVID-19-imut akiuussutissinneqareerlutik Peqqinnissaqarfimmut attaveqarsimasuni kingunerluutaasinnaasorisat pillugit nalunaarutinik takkuttoqarpoq. Peqqinnissaqarfimmit nalunaarutit naapertorlugit angutit 19-it (31,1 %) arnallu 42-it (68,9 %) kingunerluutinik nalunaaruteqarput. Kingunerluutitut nalunaarutigineqartut siullerpaat 20-it (32,8 %) Pfizer-imeersumik akiuussutissinneqarnermeersuupput, sinnerilu 41-it (67,2 %) Moderna-meersumik akiuussutissinneqarnermeerlutik. Kingunerluutitut nalunaarutigineqartunit 61-init 13-it (23,3 %) appassaa akiuussutissinneqarnermeersuupput, 42-illu (68,9%) siullermik akiuussutissinneqarnermeersuullutik arfineq pingasunili (13,1 %) nalunaarsimanani.

Tabelimi tulliuuttumi kingunerluutaasorisat peqqinnissakkut sullissisunit nalunaarutigineqartut, ersiutitut kingunerluutit ilisimaneqartut paasissutissallu pigineqartut tunngavigalugit allasimasunut agguataarneqarnerat, takutinneqarpoq.

Tabeli 8: Kingunerluutit Peqqinnissaqarfimmit nalunaarutigisat ersiutitut immikkoortunut agguataarneqarnerat (N=61)		
Kingunerluutitut nalunaarutigisat suussusaat	Amerlassusaat	Procentinnngorlugit
Kapitiffikkut ersiuteqarneq	20	32,8 %
Qinersit suannqarnerat	1	1,6 %
Niaqorlunneq	6	9,8 %
Kissarneqarneq, kiakkerujussuarterneq/aallilersarneq, qiiarlulersarneq	8	13,1 %
Puanniit ersiutit	4	6,6 %
Nuffasarneq	0	0 %
Toqusaaniit ersiutit	0	0 %
Nukinniit naggussaniillu ersiutit	7	11,5 %
Uissannqunneq	6	9,8 %
Nalinginnaasumik napparsimasutut/nualluttutut misigineq	1	1,6 %
Meriangunneq/timminneq/meriarneq	4	6,6 %
Qasoqqaneq/nukillaanganeq	3	4,9 %
Arnani aaqartarnerup allannguuteqarnera	0	0 %
Kapitiffiunnngitsukkut amerlerneq	9	14,8 %
Ersiutit allat	23	37,7 %

Peqqinnissakkut sullissisut kingunerluutaasorisatut nalunaarutigisaanni innuttaasullu nalunaarutigisaanni ersiutit amerlasuut assigiittut takutinneqarpoq. Kapitiffikkut ersiuteqarneq kingunerluutaagajunnerpaalluni, Peqqinnissaqarfimmit kingunerluutitut nalunaarutigineqartut pingajoqarterutaat pallingajattuni kingunerluutit kapitiffikkut ersiuteqarnermut attuumassuteqarput. Kingunerluutaasorineqartutut nalunaarutigineqartut 10 %-ii sinneqartut tassaapput kissarneqarneq, kiakkertarneq/aallilersarneq, qiiarlulersarneq imal. nukinniit naggussaniillu ersiutit.

”Ersiutini allani” kingunerluutaasinnaasut navianaateqarnerusut COVID-19-imut akiuussutissinneqarnermut attuumassuteqarsinnaasut Peqqinnissaqarfimmiit nalunaarutigineqarput. Ersaat nukillaartut pingasut, marlullu timaasa illuatungaa nukillaartut nalunaarutigineqarput. Kingunerluutaasutut nalunaarutigineqartuni tallimat kiinnami timimilu malugisinnaasutsip – malussarsinnaannginnikkut imal. kakikkaalutitsinikkut akornuteqalerneranertu ersiutaapput. Tamatuma saniatigut ataaseq aanaartoornermik /milittoornermik patsiseqarsinnaasumik ersiuteqarpoq. Nalunaarutigineqartoq ataaseq akiuussutissinneqareernerup kingorna isigisinnaasap affaanik- annertuumik innarluteqalernermik kinguneqartumik-annaasaqarnermut tunngassuteqarpoq. COVID-19-imut akiuussutissinneqarnerup kingorna kingunerluutaasorisanut nalunaarutiginniffisami pisortatigoortumi nalunaarutigineqartut saniatigut, uummatip nukiisigut aseruttoorneq kingunerluutaasorisatut nalunaarutigineqarpoq.



Akiussutissat suussusat

Tabelimi tulliuuttumi peqqinnissakkut sullissisup kingunerluutit kinguneri peeruteqqittut ataavartullu akiussutissap suussusaanut agguataarlugit naliliinera takuneqarsinnaavoq.

Kingunerluutip kinguneri	Akiussutissap suussusaa		
	Pfizer	Moderna	Katillugit
Akiussutissinneqarnermiit ullut 14-it qaangiutinngitsut toqusut*	1	1	2
Inuunerminnik navianartorsortut	0	1	1
Anigugassaannngitsumik/annertuumik innarluuteqalersut	0	2	2
Napparsimmavimmut unittut imal. uninnganerat sivitsukkat	2	7	9
Sivisuumik kinguneqartitsinngitsut	15	22	37
Suuneri oqaatiginngisat	3	7	10
Katillugit	21	40	61

* COVID-19-imut akiussutissinneqareernerup kingorna ullut 14-it qaangiutinngitsut toqusut akiussutissinneqarnermut atuummassuteqarsinnaanerit ilimanannngitsaq.

61-init 37-it (60,7 %), akiussutissamik sivisuumik kingunerluuteqarsimangillat, tallimalli (8,2 %) ima navianaateqartigisunik akiussutissamulli atuummassuteqarsorineqannngitsumik, inuunermut navianartorsiutaasumik imal. innarluuteqalersitsisumik imal. toqussutaasumik kingunerluuteqarsimapput. Peqqinnissaqarfimmi toqusut marluk - ataaseq COVID-19-imut akiussutissinneqarnerup kingorna ullut arfineq marluk qaangiunneranni toqussutigisaminik quup aqqaaneersumik aammigut aseruttoortumut tunngassuteqarpoq. Aappaa COVID-19-imut akiussutissinneqarnerup kingorna ullut qulit qaangiunneranni toqungasoq siuorneqarpoq, toqussilu sioqullugu illuatungaani sakkortuumik niaqorlussimalluni.

Tabeli naapertorlugu 21-init ataaseq (4,8 %), Pfizer-imeersumik akiussutissinneqarsimasoq- 40-niillu sisamat (10,0 %) Moderna-meersumik akiussutissinneqarsimasut kingunerluutaasorisani navianaatilinnik ersiuteqarsimapput.

Akiussutissiinerit amerlassusaanut tunngatillugu kingunerluutit kinguneri

Peqqinnissakkut sullissisup kingunerluutit kingunerisaannik peeruteqqittunik anigugassaannngitsunillu akiussutissinneqarnermut siullermut aappaannullu agguataarlugit naliliinera, tabelimi tulliuuttumi takutinneqarpoq.

Kingunerluutip kinguneri	Akiussutissiinerit amerlassusaa		
	Oqaatigineqannngitsut	Siulleq	Aappaasaat
Akiussutissinneqarnermiit ullut 14-it qaangiutinngitsut toqusut*		1	1
Inuunerminnik navianartorsortut			1
Anigugassaannngitsumik/annertuumik innarluuteqalersut			2
Napparsimmavimmut unittut imal. uninnganerat sivitsukkat		4	5
Sivisuumik kingunerluuteqartitsinngitsut	2	25	10
Suuneri oqaatiginngisat	8	1	1
Katillugit	10	31	20

* COVID-19-imut akiussutissinneqareernerup kingorna ullut 14-it qaangiutinngitsut toqusut akiussutissinneqarnermut atuummassuteqarsinnaanerit ilimanannngitsaq.



Tabeli naapertorlugu 31-init ataaseq (3,2 %), siullermik akiuussutissinneqarsimasoq 20-iniillu sisamat (20,0 %), aappassaannik akiuussutissinneqarsimasut kingunerluutaasorisanut navianaatilinnut ersiuteqarsimapput.

Peqqinnissakkut sullissisut kingunerluutinik nalunaarutiginnittut

Tabelimi tulliuuttumi peqqinnissakkut sullissisut kikkut kingunerluutaasorisanik nalunaaruteqarsimanerat takutinneqarpoq.

Tabeli 10: kingunerluutitut nalunaarutigineqartut peqqinnissakkut sullissisunut agguataarneqarnerat	
Atorfik	Amerlassusaat
Nakorsaq	39
Nakorsanngorniaq	2
Allatsi	1
Sundhedsassistenti	2
Peqqissaasoq	16
Avataaneersoq	1
Katillugit	61

Peqqinnissaqarfimmi nakorsat nalunaaruteqartartuni amerlanersaapput – Nuullu avataaniit nalunaarutigineqartut amerlanersaat nakorsanit nalunaarutaapput.

Ukiumikkut agguataarneqarnerat

Inuit kingunerluutaat Peqqinnissaqarfimmit nalunaarsukkat ukiumikkut nikingassusaat tabelimi tulliuuttumi takutinneqarpoq.

Tabeli 6: Peqqinnissaqarfimmit nalunaarutigisat ukiuinut agguataarneqarnerat							
Ukiui	12-15	16-39	40-59	60-69	70-79	80-89	90+
Amerlassusaat	0	21	28	6	6	0	0
Procentinngorlugit	0 %	34,4 %	45,9 %	9,8 %	9,8 %	0 %	0 %

Inuit kingunerluuteqartut Peqqinnissaqarfimmit nalunaarutigisat ukiuisa agguataarneqarnerisa, innuttaasutut nalunaarutigisatuulli kingunerluutillit amerlanersaasa 16-inik 59-iniillu ukiullit akornanniinnerat inuusuttuaqqaniilli utoqqaaneriillu nalunaaruteqartoqannginnera takutippaat.

Isummersorneq

Kingunerluutit kapitiffiup nalaaniittut timimullu tamarmut sunniuttut

Kingunerluutit innuttaasunit nalunaarutigisat kapitiffimmiillutillu nalinginnaasumik peqqissutsimut sunniuttarput.

Kingunerluutaasoriat innuttaasunit nalunaarutigisat amerlanersaat sakkukillutillu akunnattuupput (1). Amerlanerpaat ilisimaneqarput qaangiuteqqittarlutillu- soorlu kapitiffiup nalaata annernarnera, niaqorlunneq, kissarneqarneq, qasoqqaneq, nukitsigut naggussatigullu ippiorneq kiisalu meriannegneq, timminneq meriarnerlu. Taakku Danmarkimi nakorsaatit pillugit aqutsisoqarfiup/Lægemiddelstyrelsip kingunerluutitut nalunaarutigineqartut pillugit nalunaarusiaani, kingunerluutaasutut oqaatigineqartunut; amerlanerpaat tassaasunut kapitiffiup nalaagut ippiornermut, niaqorlunnermut, kissarneqarnermut qasoqqanermullu naapertuulluarput (1).

Kingunerluutit taamaattut naatsorsuutigineqarsinnaalluarput nalinginnaallutillu. Taakku tassaapput timip akiuussinnaassusaata akiuussutissamat qisuariaataanut ersiutit. Qisuariaatit akiuussutissat amerlanersaanni takuneqartarput nalinginnaasumillu kingunerluutaasutut nalunaarutigisat amerlanersaat naapertorlugit, uullup ataatsip marlulluunniit qaangiunneranni peeruteqqittarlutik. Kingunerluutaasorisanik navianaatilinnik -soorlu qaratsakkut aseruttoornermik,



taqqakkut milittoornermik sapigaqarnermullu navianaatilimmik ersiuteqarnermik, nunatsinni innuttaasunit nalunaaruteqartoqanngilaq.

Aaqtartarnerup allannguuteqarnera

Aaqtartarnerup allannguuteqarnera kingunerluutitut arnanit amerlaqisunit nalunaarutigineqarpoq. Danmarkimi nakorsaait pillugit aqutsisoqarfik/Lægemedelstyrelsen naapertorlugu COVID-19-imut akiuussutissat aaqtartarnerullu allannguuteqarnerata imminnut attuumassuteqarsinnaanerit uppersarsineqanngilaq. Kingunerluutitut nalunaarutit aaqtartarnerup allannguuteqarneranut tunngassuteqartut Europami kingunerluutit pillugit ataatsimiititaliap (PRAC) kingullermik ataatsimiinnerani oqaluuserineqarmata, maannamuugallartoq COVID-19-imut akiuussutissat aaqtartarnerullu allannguuteqarnerata imminnut ataqatigiinnerat takuneqarsinnaanngitsaq nakkutigineqartuartariaqartorli naliiisoqarpoq (2). Norge-mi nunatsinni akiuussutissat assingini akiuussutissiisoqarpoq (Pfizer Modernalu). COVID-19-imut akiuussutissap arnanilu inuusuttuni 18-it 30-illu akornanni ukilinni aaqtartarnerup allannguuteqarnerata imminnut attuumassuteqarsinnaanerit, Norgemi misissuinerup nutaap takutippaa (3). Nunatsinnili aaqtartarnerup allannguuteqarneranut tunngatillugu nalunaarutigisanit 25-init sisamaannaat ukioqatigiiaani taakkunaniipput. Amerikami misissuinermit nutaanerummi, COVID-19-imut akiuussutissinneqarsimasunik akiuussutissinneqarsimannngitsunillu assersuussinermit, aaqtartarnerit akulikinnerularnerat paasineqarpoq. Nikingassullu annikimmit misissuinermit tunngatillugu naapertuutinnngitsutut naliliivigineqarluni (4).

Sapigaqarnermut ersiuteqalerneq

Sapigaqarnermut ersiutit - pingaartumik amerlernerit assigiinngitsut nunatsinni innuttaasunit peqqinnissakkullu sullissisunit nalunaarutigineqarput. Danmarkimi nakorsaait pillugit aqutsisoqarfiup /Lægemedelstyrelsi Pfizer- imeersumik akiuussutissinneqareernermit sapigaqarnermut qisuariaatit sakkortuut nalunaarutigineqartut 132-it naliliivigai; taakkunanga 107-it akiuussutissamut attuumassutilittut naliliivigineqarlutik tamarmillu qaangiuteqqillutik (5).

Sapigaqarnermut ersiutit navianaatillit

Innuttaasunit kingunerluutaasorisatut nalunaarutigineqartut naapertorlugit, ataaseq sakissamigut ippiorluni, niaqorlulluni, nukimmigut anniarluni, uninngalluni akulikitsunik tilleqarluni kissarneqarlunilu unitsinneqarpoq. Tamatuma saniatigut ataaseq sapigaqarnermut qisuariaateqarpoq ataaserlu saamia tungaa nukillaarsimammat, qaratsamigut aanaartoorsimanissaanik /milittoorsimanissaanik tunngavissalimmik pasitsaanneqarluni. Tamatuma saniatigut astmarloq allalu qaratsami ameraasaagut virusimik patsiseqartumik aseruttoortoq unitsinneqarput. Taakku COVID-19-imullu akiuussutissinneqarnerup imminnut toqqaannartumik attuumassuteqarnerat uppersarsineqanngilaq.

Taakku saniatigut Peqqinnissaqarfimmit kingunerluutaasorisat inuit 14-it unitsinneqarnerannik kinguneqartut ersiutilli COVID-19-imut akiuussutissinneqarnermut attuumassuteqarnerat ilisimaneqanngitsut nalunaarutigineqarput. Taakku ilaagaat COVID-19-imut akiuussutissinneqareernermit kingunerluutit navianaatillit ilisimaneqanngitsullu. Qaratsap sunnerneqarnerata kingunerisaanik ersaat nukillaartut marluk- aappaata timaata illuatungaa nukillaarsimasortaaq- nalunaarutigineqarput. Taakku saniatigut ataatsip qaratsap sianiutaasa sunnerneqarsimanerannik patsiseqanngitsumik ersaa nukillaarsimasooq, ataatsillu qaratsap taqaagut aanaartoorsimanissaa/milittoorsimanissaa pasitsaanneqartup, timip kiinnallu nukillangalernerannik misiggarlernerannillu kinguneqartoq nalunaarutigineqarput. Sianiuteqarfimmut tunngasuni allani qaratsap taqaagut milittoornerup kingunerisaanik timip illuatungaata nukillaarnera tapiillinerlu nalunaarutigineqarput. Allaaserisanili COVID-19-imut akiuussutissinneqarnerup sianiuteqarfimneersullu navianaateqarnerusut imminnut attuumassuteqarnerannik nassaartoqanngilaq (1,6). Misissuinerit makitsinermit tunngaveqartut 23-it ataatsimoortillugit misissoqqissaarneqarneranni COVID-19-imut akiuussutissinneqarnerup kingunerluutillu sianiutinut nukinnullu attuumassuteqartut imminnut atassuteqarnerat misissorneqarmat, niaqorlunneq nukiillu sukasimanerat nalinginnaasut, sianiutinullu attuumassuteqartut



navianaateqarnerusut qaqutigoornerat paasineqarpoq. Qaratsap sianiutaasigut navianaateqarnerusunik ajoquteqartut akiuussutissinneqartut misissuineruulit assersuussassat akornanni tutsuiginartumik assigiinngissuteqanngillat (6).

Toqusunut marlunnut Peqqinnissaqarfimmit nalunaarutigineqartunut tunngatillugu, misissuinermit akiuussutissap toqusullu imminnut attuumassuteqarnerannik pasinarloqanngilaq. Toquussutaasut allamik patsiseqarnerat ilimanaateqarnerusutut naliliivigineqarpoq. Danmarkimi nakorsaati pillugit aqutsisoqarfimmit maanamuugallartoq nalunaarutit 119-it Danmarkimi akiuussutissinneqareernerup kingorna toqusunut tunngassuteqartut tiguneqarlutillu naliliivigineqarput (1). 119-it taakku tamarmik nakorsaati pillugit aqutsisoqarfiup Lægemedelstyrelsen naliliinera naapertorlugu akiuussutissamut attuumassuteqarsinnaanerat ilimanaateqarpallaanngilaq, allanilli toquteqarsimanissaat ilimanarnerulluni (1).

Allaaserisami aqqisuussamik takussutissiisumi nutaami (7) paasissutissanik COVID-19-imut akiuussutissinneqarnerup kingorna kingunerluutit pillugit makitsinernik aqqanilinnik tunngaveqartumi, akiuussutissat nunatsinni misissuinermit taamaassorisat navianaatilinnik kingunerluuteqanngitsut takuneqarsinnaavoq. Misissukkat aqqanillit taakku tunngavigalugit annikitsunik kingunerluuteqartut – ass. kapitiffiup nalaagut ippiornerup, kissarneqarnerup, nukitsigut anniarnerup, qasoqqanerup niaqorlunnerullu assigiinngissuteqarnerat pingaarnertut takuneqarsinnaavoq. Nunatsinni innuttaasut amerlanersaannut akiuussutissiisutaasumik Moderna-meersumik akiuussutissinneqarnerup kingorna kingunerluutinik navianaatilinnik siumuisoqanngilaq. Misissuineruulit ikittuinaat peqataammata qaqutigootunik kingunerluuteqalernissaq ilimanannginneruvoq. (7).

Qarasaasiakkut allattugaatinut nalunaarsuiffik aqutigalugu kingunerluutaasutut nalunaarutigineqartut saniatigut nunatsinni COVID-19-imut akiuussutissinneqarnerup kingorna, ataaseq uummatip nukingagut aseruttoorpoq. Tamanna COVID-19-imut akiuussutissinneqarnermit kingunerluutitut navianaatilittut qaqutigootutulli ilisimaneqarpoq. Danmarkimi sumiiffimmi aalajangersimasumi 498.814-inik innuttalimmi Moderna-meersumik akiuussutissinneqarsimasuni – pingaartumik aqqaneq marlunniit 39-inik ukiulinni- misissuineq annertooq nutaanusooq naapertorlugu, COVID-19-imut akiuussutissinneqareernerup kingorna uummatip nukingagut qaratsallu ameraasaagut aseruttoornissaq aarlerinaateqarneruvoq.

Akiuussutissinneqarsimasut 100.000-iuppata agguaqatigiissillugit 4,6-it taama nalaataqarput (8). Nunatsinnut assersuussissagutta akiuussutissinneqarsimasut akornanni marluk missaat taama nalaataqassapput. Nunat tamalaat akornanni misissuinerit, COVID-19-imut akiuussutissinneqareernerup kingorna akiuussutissat nunatsinni atorineqartut (mRNA) uummatip nukingagut aseruttoornissamut aarlerinaateqarnerunnerannik ikorfartuipput. Taamaakkaluarli COVID-19-imik tunillaatsereernermit uummatip nukingagut aseruttoornissamut aarlerinaat annertunerujussuvoq (9-10).

Akiuussutissap suussusaa

Nunatsinni 17,6 %-iinnaat Pfizer-imeersumik akiuussutissinneqarput, Moderna-meersumilli akiuussutissinneqareernermit sanilliullugit Pfizer-imeersumik akiuussutissinneqareernermit kingunerluutitut misissorneqartarialittut nakorsartarialittullu nalunaarutigineqartut amerlanerusut, innuttaasunit nalunaarutigineqarput. Nakorsartinneq misissortinnerlu pillugit nalunaarutit innuttaasut namminneq nalunaarutigimmatigik, Pfizer-imeersumilli akiuussutissinneqarnerup kingorna kingunerluutinik nalunaaruteqartut ikikannermata, assigiinngissut taanna annertuumik nalorninaateqarpoq. Tamatumali peqatigisaanik akiuussusersuinerit aallartimmata kingunerluutinillu nalunaaruteqarnissaq immaqa eqqumaffigineqarnerulluni, akiuussutissap Pfizer-imeersup kisimi atorineqarnera taamaatsitseqataasinnaavoq. Akerlianik Moderna-meersumik akiuussutissinneqareernerikkut kingunerluutaasorisat navianaatilittut arlallit Peqqinnissaqarfimmit nalunaarutinit takuneqarsinnaapput, nangilluguli assigiinngissutisip ikittuararsuarnik tunngaveqarnera, taamaammallu nalaatsornernik tunngaveqarsinnaanera erseqqissarneqassaaq.



Akiussutissinneqartut amerlassusaat

Aappassaa akiussutissinneqareermermi kingunerluutit nakorsartariallit arlallit innuttaasunit nalunaarutigineqarput, aappassaali kapitereernerup kingorna kingunerluutit amerlanerusut nalunaarutigineqarmata, kingunerluutaasutut nalunaarutigisat misissortariallit aappassaa akiussutissinneqarnermi taamaalillutik ikinnerukannerput. Peqqinnissaqarfimmit nalunaarutigisani, siullermik COVID-19-imut akiussutissinneqarnermut sanilliullugit, aappassaa kapitereernermi annertuumik navianaatillinnik kingunerluuteqarsimasorisat amerlanerukannerat takuneqarsinnaavoq.

Tamanna misissuinermut nutaajunerusumut, siullermik Modernameersumik akiussutissinneqarnermut sanilliullugu aappassaa kapitereernerup kingorna kingunerluuteqarneruneranik takutitsisumut naapertuuppoq. Aappassaa kapitereernermi pingaartumik kissarneqarneq takuneqarsinnaavoq (7). Innuttaasoq ataasiinnaq pingajussaa akiussutissinneqareermermi kingunerluuteqarnerminik nalunaaruteqarsimavoq. Ukiup naalernerani pingajussaa ("sakkortusaammik") kapitittut ikinnerummata nalunaarutigineqartut siuliinit marlunnit ikinnerungaatsiarnissaat naatsorsuutigisariaqarpoq. Innuttaasunit 12.200-init pingajussaa akiussutissinneqartunit kingunerluuteqartutut nalunaaruteqartup ataasiinnaanerata pingajussaani akiussutissinneqarnerup, siuliinut sanilliullugu affaannaasup kingorna, kingunerluutit annikinnerorpasipput. Annertussuserli naapertorlugu akiussutissaq kingunerluutillu imminnut ataqatigiinnerat takuneqarsinnaangilaq (7). Innuttaasut ikittuinnaat pingajussaa akiussutissinneqarsimammata – ataasiinnarluni kingunerluuteqarluni nalunaarsimammata, pingajussaa akiussutissinneqareermermi kingunerluutit suunerannik annertussusaannillu naliliinissaq tunngavissaqanngilaq.

Ukiuimikkut agguataarneqarnerat

Innuttaasunit Peqqinnissaqarfimiillu kingunerluutaasutut nalunaarutigisani 16-it 59-illu akornanni ukiullit amerlanerunerat, ukiuimikkut agguataarneqarnerisa takutippaat. Kingunerluutaasutut nalunaarutigineqartut amerlanersaasa taama ukiulinnit nalunaarutigineqarnerat, Danmarkimi nakorsaatit pillugit aqutsisoqarfimmit Lægemiddelstyrelsimit nalunaarusiap takutippaattaq (1).

Inuusunnerusuni timip akiussinnaanerunera taamaammallu akiussutissamut sakkortunerusumik qisuariaateqartarneq inuusunnerusuni kingunerluuteqartoqarneruneranut nassuiaataasinnaavoq. Tamatuma peqatigisaanik innuttaasut tunngavigineqartut amerlaqisut 16-it 59-illu akornanni ukiuqarput. Innuttaasut kingunerluutitut nalunaarutigisaannut inuusunnerusut utoqqaanerusunut sanilliullutik qarasaasiakkut immersuinissamut nassiussinissamullu allanik nukissaqarlutillu piginnaasaqarnerat sunniuteqarsinnaavortaaq. Kingunerluutitut nalunaarutigisat aqqaneq marlunniit 15-inut ukiulinni amerlanerunnginnerat Danmarkimi kisitsisut naapertuupportaaq, inuusunnerpaat immaqqa ersiutit akiussutissallu imminnut ataqatigiissinnaanerannik maluginiaasannnginnerannik patsiseqarsinnaalluni. Aqqaneq marlunniit 15-inut ukiullit allanut sanilliullugit ukiup affaani kingullermi aatsaat akiussuserneqartut ikittuinnaanerata erseqqissarneqassaartaaq. Nunatsinni utoqqaat akornanni kingunerluutinik nalunaaruteqartoqannginnera qarasaasiakkut nalunaarutiginninnissamik aammali nunatsinni ukiut inuuffiusartut appasimmata utoqqaallu timip akiussissaassusaata annikinnerata nassatarisaanik oqaatigineqareersutut kingunerluuteqannginnerusarnerannik patsiseqarsinnaavoq.

Nalunaarutiginninnernik innuttaasuneersunik peqqinnissaqarfimmeersunillu assersuussineq

Peqqinnissakkut sullissisut innuttaasullu nalunaarutigisaat assersuukkaanni ersiutit amerlasuut – taakkununga ilaallutik kapitiffikkut ippiorneq, niaqorlunneq, kissarneqarneq, nukinniit naggusaniillu ersiutit- assiginnerat takuneqarsinnaavoq. Tamatuma saniatigut nammineq nalunaarutigisanut sanilliullugit Peqqinnissaqarfimmit nalunaarutigisani timikkut aniorininnermik kingunerluuteqartut amerlanerusut takuneqarsinnaavoq.

Kingunerluutit navianaatillit COVID-19-imut akiussutissinneqarnerup kingorna nalinginnaasutut isigineqanngitsut amerlanerujussuunerat, Peqqinnissaqarfimmit nalunaarutigisani takuneqarsinnaavoq (1). Innuttaasunit



peqqinnissaqarfimmiillu nalunaarutini, akiuussutissinneqarnerup kingorna ersiutit nalinginnaasuunngitsut imal. navianaatillit Peqqinnissaqarfimmut saaffiginnissutaagajunnerunerat assigiinngissutaagunarpoq.

Suiaassutsikkut assigiinngissutsit

Nalinginnaasumik arnat angutitut sanilliullugit nalunaaruteqarajunnerupput, Peqqinnissaqarfimmiilli kingunerluutaasutut nalunaarutigineqartunit innuttaasunit nalunaarutigineqartut amerlanerujussuullutik. Akiuussutissinneqartunit tamanit arnat affaat inulaarmatigik (48 %) tamanna arnat angutitut sanilliullugit amerlanerusut akiuussutissinneqarsimanerannik nassuiarneqarsinnaanngilaq. Suiaassuserli tunngavigalugu assigiinngissutsit taakku COVID-19-imut akiuussutissinneqarnerup kingorna arnat angutitut kingunerluuteqarnerusutut misiginerat, nunani allanit misissuinerit uppersarsivaat. Nalinginnaasumik arnat angutitut tappiorannartunut nappaateqalersitsisartunut akiuussinnaanerunerat, aammali timiminni malussajanerunerat ersiutinullu pilertornerusumik qisuariartarnerat, patsisaasutut nassuiaataasinnaapput (11-13).

Kingunerluutinik nalunaarutiginninnerit nunap immikkoortuinut agguataarneqarnerat

Kingunerluutaasorisatut nalunaarutigisat amerlanerpaat Nuummi innuttaasunit peqqinnissakkullu sullissisunit nalunaarutigineqarput. Nuummeersut amerlanerujussuunerat, illoqarfinnut allanut sanilliullugit Nuummi innuttasut amerlassusaannik–illoqarfinnilu assigiinngitsuni akiuussutissinneqartut amerlassusaannik nassuiarneqarsinnaanngilartaaq. Taamaammat taama agguataarsimanerat kingunerluuteqannginnerusorinermik imal. nalunaarutiginnissaasa innuttaasunit peqqinnissakkullu sullissisunit Nuup avataaneersunit eqqumaffigineqannginnerunerannik patsiseqarsinnaavoq. Nalunaarutigineqartut naapertorlugit Nuup avataaniit peqqinnissakkut sullissisunit nalunaarutigineqartut nakorsanit nalunaarutigineqarajunnerupput.

Kukkunernut pissutaasut

Kingunerluutaasorisatut nalunaarutigineqartut amerlaqisut inuit namminneq ersiutinik paasinnittariaasaat tunngavigalugu nassuiarneqarmata nalorninartortaqsinnaapput. Taamaammat kingunerluutaasorisatut nassuiarneqartut misissorneqaqqaaratik paatsuugassaangitsunut immikkoortiterneqarnissaat ajornakusoorsinnaammat, kingunerluutaasorisat immikkoortunut misissuinnikkut naliliivigisanut inissinneqanngillat. Assersuutigalugu arlallit kissarneqartutut misiginertik oqaatigaat imal. kiakkertarnertik /aallilersarnertik qiarlulersarnertillu – kissarneqarnermut ersiutaasinnaasut-nassuiaatigalugit. Taakkunani tamani kissarneqarneq misissuinnikkut uppersarsineqanngilaq.

Paasissutissat annikimmata assersuussassaqaanngimmallu COVID-19-imut akiuussutissap kingunerluutaasorisallu imminnut toqqaannartumik attuumassuteqarnerat oqaatigiuminaappoq. Tamatuma peqatigisaanik kingunerluutaasorisanic misigisaqarsimasut tamarmik nalunaaruteqarsimanaviannngillat. Tamatuma saniatigut inuit kingunerluutinik nalunaarutiginninnissamik toqqaasut innuttaasunit allanit allaassuteqarnissaat ilimanarmat, kingunerluutinik nalunaaruteqarneq una tamanut atuutsinneqarsinnaanngilaq.

Inernilineq

Nalunaarutigisat kingunerluutaasorineqarmata akiuussutissap kingunerluutaasullu toqqaannartumik imminnut attuumassuteqarnerat takutinneqanngilaq. Kingunerluutaasorisat tassaanerupput ilisimaneqartut, sakkukitsut akunnattullu. Taakkulu pingaarnertut tassaallutik; kapitiffikkut ippiuutit, niaqorlunneq, kissarneqarneq, nukitsigut naggussatigullu anniarneq, meriannuneq, timminneq, meriarneq kiisalu aqartarnerup allannguteqarnera. Peqqinnissaqarfimiilli nalunaarutigineqartuni amerluutillit amerlasoorujussuunerat kingunerluutaasorisallu navianaatillit arlaliunerat takuneqarsinnaavoq. Nalinginnaasumik nunatsinni kingunerluutaasutut nalunaarutigisat nunarsuup sinnerani-Danmarkimissaaq kingunerluutaasut – suunerannut ukiuinullu agguataarinnermut tunngatillugu allaassuteqangaanngillat. Nunap immikkoortuini suiaassutsikkullu annertuumik assigiinngissuteqarnera, kingunerluutaasorisat- pingaartumik Nuummiit arnaniillu nalunaarutigineqarsimanerat takuneqarsinnaavoq.



Najoqqutarisat

1. [Indberettede bivirkninger ved COVID-19 vacciner \(laegemiddelstyrelsen.dk\)](#)
2. [Ingen tegn på at menstruationsforstyrrelser er udløst af COVID-19-vaccination \(laegemiddelstyrelsen.dk\)](#)
3. [Økt forekomst av menstruasjonsforstyrrelser hos unge kvinner etter vaksinasjon mot korona - FHI](#)
4. Edelman A, Boniface ER, Benhar E et al. Association Between Menstrual Cycle Length and Coronavirus Disease 2019 (COVID-19) Vaccination. OBSTETRICS & GYNECOLOGY 2022, 00: 1-9
5. [Status på behandlede indberetninger om formodede bivirkninger ved Comirnaty \(Pfizer/BioNTech\), uge 32 \(laegemiddelstyrelsen.dk\)](#)
6. Chen J, Cai Y, Chen Y et al. Nervous and Muscular Adverse Events after COVID-19 Vaccination: A Systematic Review and Meta-Analysis of Clinical Trials. Vaccines 2021, 9, 939. <https://doi.org/10.3390/vaccines9080939>
7. Kaur RJ, Dutta S, Bhardwaj P et al. Adverse Events From COVID-19 Vaccine Trials: A systematic review. Ind J Clin Biochem 2021. 36(4): 427-439
8. Husby A, Hansen JV, Fosbøl E et al. SARS-CoV-2 vaccination and myocarditis or myopericarditis: population based cohort study. BMJ 2021; 375: e068665 <http://dx.doi.org/10.1136/bmj-2021-06866>
9. Bellos I, Karageorgiou V, Viskin D. Myocarditis following mRNA Covid-19 vaccination: A pooled analysis. Vaccine 2022;15; 40(12): 1768-1774
10. Lee ASY, Balakrishnan ID, KHOO CY et al. Myocarditis Following COVID-19 Vaccination: A Systematic Review (October 2020–October 2021). Heart, Lung and Circulation (2022), <https://doi.org/10.1016/j.hlc.2022.02.002>
11. Elnaem MH, Taufek NHM, Rahman NSA et al. COVID-19 Vaccination Attitudes, Perceptions, and Side Effect Experiences in Malaysia: Do Age, Gender, and Vaccine Type Matter? Vaccines 2021, 9, 1156. <https://doi.org/10.3390/vaccines9101156>
12. [Study: Women Have More Pronounced COVID-19 Vaccine Side Effects than Men \(verywellhealth.com\)](#)
13. [Sex and Gender and COVID-19 Vaccine Side Effects < Yale School of Medicine](#)

Louise Lohmann Faber
Nunatsinni Nakorsaaneqarfik / Landslægeembedet
Toqq/direkte 345193
lofa@nanoq.gl